

## 佛說大愛道般涅槃經

西晉三藏法師白法祖譯

聞如是一時佛在墮舍利國行在猕猴水拘羅曷講堂是時摩訶卑耶和題俱曇彌行在墮舍利國與五百比丘尼俱皆是阿羅漢皆爲大神足爲陀那須摩訶離惟識彌優波羅洹卑耶俱曇彌是輩長年比丘尼大弟子行在墮舍利王國比丘尼精舍是時摩訶卑耶和題俱曇彌自意覺念言我不忍見佛般泥洹并阿難舍利弗目犍連是賢者輩我先捨壽命行取泥洹去是時佛即已覺知便語阿難是間摩訶卑耶和題俱曇彌自念言我不忍見佛般泥洹并阿難舍利弗目犍連是賢

者輩我先捨壽行取泥洹去是五百比丘尼自意覺捨一切苦我不忍見佛般泥洹并賢者阿難舍利弗目犍連是賢者輩我輩亦當捨壽行取泥洹去佛說如是阿難白佛言是故我身不能自勝諸方不能分別所聞法不能自識所以者何聞摩訶卑耶和題俱曇彌

思三

五

陳

當般泥洹佛便告賢者阿難如是阿難汝自意念摩訶卑耶和題俱曇持精進種般泥洹耶并定種慈種解種度知見種所法我自知證覺者若四意止若四意斷若四神足若五根若五力若七覺意若八慧道行汝恐摩訶卑耶和題俱曇彌持是法去耶佛說是意

已阿難白言摩訶卑耶和題俱曇彌終不能持清淨種般泥洹去亦不能持定種亦不能持慧種亦不能持解種亦不能持慧見知種終不能持覺種佛自慧所覺知法若四意止若四意斷若四神足若五根若五力若七覺意若八慧道行終不能持是法般泥洹阿難

言我自念摩訶卑耶和題俱曇彌於佛有阜恩佛母壽終時摩訶卑耶和題俱曇彌乳養長大佛佛言阿難有是摩訶卑耶和題俱曇彌於我有阜恩我母壽終時乳養長大我佛言阿難我亦於摩訶卑耶和題俱曇彌有恩無量所以者何摩訶卑耶和題俱曇彌從我

因緣自歸佛自歸法自歸比丘僧自歸集道盡亦不復疑佛亦不復疑法亦不復疑比丘僧亦不復疑集道盡皆已了知若人阿難能教人自歸佛者自歸法者自歸比丘僧者自歸集道盡者受者盡壽命者還事所受師教施與衣食卧具醫藥所索不逆盡壽命如是尚未能為報師恩佛言是故阿難我於摩訶卑耶和題俱曇彌有阜恩無量

是時摩訶卑耶和題俱曇彌并五百比丘尼便俱出墮舍利國到大樹間至佛所以頭面禮佛足却住一處是五百比丘尼亦復禮佛住一處摩訶卑耶和題俱曇彌便叉手白佛

言我不能忍見佛般泥洹並阿難舍利弗羅目捷連是賢者輩比丘我欲先捨壽行取泥洹去以白如是佛受摩訶卑耶和題俱曇彌所白嘿然摩訶卑耶和題俱曇彌便以手摩佛足言我今日最後見世間依者最後見世間明者最後見世間無上者從今以後不復

思三

六

味

見三界中尊者已為佛作禮却坐一處是五百比丘尼亦復叉手白佛如是我輩不忍見佛般泥洹并賢者阿難舍利弗羅目捷連賢者比丘輩我輩欲捨壽行取泥洹去五百比丘尼白如是佛默然受五百比丘尼所白五百比丘尼便頭面禮佛足言我輩最後見世間依者最後見世間明者最後見世間無上者從今以後不復見三界中尊者已說如是各還就坐佛為摩訶卑耶和題俱曇彌并五百比丘尼說若干品法已說皆歡喜起坐皆為佛作禮遶佛三匝頭面著地遷到墮舍利國入王園比丘尼精舍便從一處布五百座

摩訶卑耶和題俱曇彌并五百比丘尼各就坐是時摩訶卑耶和題俱曇彌便自現神足從座中沒身去從東方出虛空中上一樹間上至七樹間自現四神足於虛空上經行已經行便行已住便坐已坐便臥已臥便自身出五色火上身出五色火下身出

五色火上身出水如是從東方沒出西方從南方沒出北方便從七樹間下至地變化現神足如於上時便滅神足取泥洹去是時五百比丘尼便皆於座中沒身從東方出在虛空中上一樹間上至七樹間自現四品神足於虛空中經行已經行便住已住便坐已坐

思三

七

陳

便臥已臥便自身出五色火上身出五色火下身出水下身出五色火上身出水如是從東方沒出西方從南方沒出北方便從七樹間下至地變化現神足如於上時便滅神足取泥洹去

是時佛告賢者阿難汝行明日平旦入惟舍

利國到耶陀迦羅越舍已到便告耶陀迦羅越作五百輿牀五百瓶麻油五百分香五百分薪若干種華香若干種妓樂持到王園比丘尼精舍所以者何佛母般泥洹并五百比丘尼皆是阿羅漢皆大神足功德已滿當好

塗之佛語阿難告迦羅越佛勸如是阿難聞佛言唯然即起持頭面禮佛足即以平旦入惟舍利國至耶陀迦羅越所至已告守門者令入白迦羅越阿難在外守門者聞阿難言即入白如是時耶陀迦羅越在高樓上與妓女共相娛樂聞門者言如是即恐怖衣毛皆堅即下樓出與阿難相見即持頭面著賢者阿難足下爲禮白賢者阿難是非恒亦非小事所以者何賢者來入國何一早耶陀迦羅越言已意何阿難即報言佛使我來欲勸令迦羅越作五百輿牀五百麻油瓶五百分香五百分薪若干種好香華若干種妓樂持

到王園比丘尼精舍所以者何佛母般泥洹并五百比丘尼皆是阿羅漢皆大神足功德已滿當好塋之佛勸迦羅越如是迦羅越聞阿難言如是即惛躰地言賢者阿難我人有何等過於比丘尼比丘尼有何恨我人所般泥洹不告我人賢者阿難從今以後行室當

空諸座亦當空經行處亦當空四徼道頭里巷皆當空惟舍利國已爲空賢者阿難從今以後不復見比丘尼行分越入惟舍利國是痛何甚耶陀迦羅越言已竟阿難即告迦羅越言佛本自說言一切恩愛皆當別離消散各自異處各自異行所生所至所想各自有

八

陳

行各自有因緣會當滅盡會當別離欲令不別離者終不可得慧人但當護法行是時賢者阿難爲迦羅越引若干經要持解迦羅越意欲勸迦羅越意已解已喜已勸便到惟舍利國披羅門迦羅越異因緣在講堂聚會便賢者阿難以到就坐已坐便告惟舍利國披

羅門迦羅越鄉輩作五百輿牀五百麻油瓶五百分香五百分薪若干種好香華若干種妓樂持到王園比丘尼精舍所以者何佛母般泥洹并五百比丘尼皆是阿羅漢大神足功德已滿當好塋之佛勸衆披羅門迦羅越如是惟舍利國披羅門迦羅越即使躰地告

賢者阿難我人有何等過於此比丘尼比丘尼有何恨我人輩持何等失比丘尼意般泥洹不告我人賢者阿難從今以後行室皆當空諸座皆當空四徼道頭里巷皆當空惟舍利國以爲空從今以後終不復見比丘尼入惟舍利國行分越是時賢者阿難告惟舍利國披羅門迦羅越佛先自說一切恩愛皆當別離消散各自異處各自異行所生所至所想各自有因緣會當別離欲令不別離終不可得慧人但當護法行是時賢者阿難爲惟舍利國披羅門迦羅越引若干經要持解披羅門迦羅越意喜披羅門迦羅越

思三

九

陳

意勸披羅門迦羅越意已解已喜勸賢者阿難便起座到佛所是時耶陀迦羅越并五百披羅門迦羅越持五百輿牀五百麻油瓶五百分薪五百分香若干種好香華妓樂到王園比丘尼精舍已到是時王園比丘尼精舍門閉耶陀迦羅越便告一人言來汝上一人

肩上度垣牆入園開門是人受迦羅越言上一人肩度垣牆即開門耶游陀迦羅越及五百披羅門俱入王園比丘尼精舍是時五百比丘尼共有六沙彌利是六沙彌利告耶游陀迦羅越言賢者迦羅越莫得嫌是五百比丘尼也所以者也皆是已得定意坐者是時

迦羅越告六沙彌利言是五百比丘尼不爲定意坐已捨壽命行取泥洹是時六沙彌利聞是語即惛躰地言誰當復教戒我人者耶誰當復諫數我人當持衣鉢隨誰後耶是時迦羅越告賢者六沙彌利言佛先自說一切恩愛皆當別離賢者沙彌利莫愁憂但當勤

行精進是時迦羅越取摩訶毘耶和題俱曇彌舍利持若干種香華妓樂恭敬檢取舍利著金牀上并五百比丘尼舍利亦如是便耶游陀迦羅越并五百披羅門迦羅越俱取摩訶毘耶和題俱曇彌舍利并五百比丘尼舍利到佛所是時佛告賢者舍利弗羅波來正東向又手下右膝著地說如是有在東方直信者直業者三神六智大神足功德以滿者皆來到是間所以者何佛母般泥洹并五百比丘尼已般泥洹皆是阿羅漢皆大神足功德已滿當共好塋之南方亦余西方亦余北方亦余東方亦余賢者舍利弗羅受語即東向南向西向北向請諸阿羅漢即時東方有二百五十阿羅漢來南方亦余西方亦余北方亦余合千阿羅漢在佛前佛便與干比丘僧俱到摩訶毘耶和題俱曇彌舍利所佛便坐干比丘皆就坐是時佛便告賢者阿難汝起取摩訶毘耶和題俱曇彌舍利以鉢盛之持來

思三

十

陳

著我手中阿難言唯然便起座取摩訶卑邪  
和題俱曇彌舍利著鉢中持授佛佛即以兩  
手受之摩訶卑邪和題俱曇彌舍利已受佛  
便告衆比丘僧是女人聚舍利也本是惡身  
急弊卒暴輕心數轉妓女摩訶卑邪和題俱  
曇彌已捨女人聚身男子所應得者摩訶卑  
邪和題爲已得也

是時佛令邪游陀迦羅越衆比丘僧共爲摩  
訶卑邪和題俱曇彌并五百比丘尼起塔已  
起塔及惟舍利國人民及諸天人皆共事摩  
訶卑邪和題俱曇彌并五百比丘尼塔佛說  
如是諸比丘皆歡喜起前爲佛作禮而去

大愛道般涅槃經